



24. september 2013

Inatsisartut Suleriaasianni § 37 naapertorlugu Naalakkersuisunut apeqquiti imaattut matumuuna saqqummiuppakka:

1. Naalakkersuisut uppersarsinnaanerlugu eqqartuussissuserisup Niels Hansen Damm paasissutissiissutigisimmagu, Ministerip atorfillillu akornanni attuumassutit pillugit Isumaliutissiissummi nr. 1354-mi aamma Atorfillit siunnersuisarnerat ikiusarnerallu pillugit Isumaliutissiissummi nr. 1443-mi allassimasut naapertorlugit unioqqutitsinerunngimmat imaluunniit tupinnartuliaanngimmat, atorfirmik inuttassarsiuineq pimoorusserpasissuuneq ajormat, ministeriup atorfinitsitassani kinaanersoq nalunngereertarmagu?

2. Taamaassimappat Naalakkersuisunut uppersaqqussavakka Niels Hansen Dammip oqasii quppernernut innersuussutitalerlugit aamma isumaliutissiissutini marlunni issuarneqartut.

(Inatsisartunut ilaasortaq Palle Christiansen, Demokraatit)

Tunnqavilersuut:

Naalakkersuisut Siulittaasoqarfiani tusagassiinermut ataqatigiissaarisumik atorfinitsitsimaneq aamma Namminersorlutik Oqartussani inatsisinik atortitsinermut pisortamik soraarsitsisimaneq pillugit eqqartuussissuserisut misissueqqullugit Naalakkersuisut imissutigisimasaat naapertorlugu nassuiaasiarineqarsimasumi, Naalakkersuisut eqqartuussissuserisuat aallarniummini, qupperneq 5-miittumi allappoq:

”Danmarkimi nunanilu allani siunnersortit immikkuullarissut ukiualunngortuni ministerinut attuumassuteqarlutik atugaapput. Danmarkimi isumaliutissiissutinik pingasunik sammisaq taanna pillugu saqqummiussaartoqarnikuuvoq. Tamarmillu inerniliuppaat unioqqutitsinerunanilu nangaanartortaqaanngitsoq naalakkersuisoq siunnersortinik immikkuullarissunik, naalakkersuisup politikikkut isummertarneranut tulluuttumik, imaluunniit suleqatigilluarsinnaasaminik atorfinitsitsissappat. Isumaliutissiissutinilu annertuumik eqqartorneqartoq tassaavoq taama atorfinitsitsinissami atorfik tamanut ammasumik inuttassarsiuunneqassanersoq, qularnaateqaanngilluinnartumimmi naalakkersuisup suleqatigerusutani piffissap qinnuteqarfiussap naanerani toqqassaga. Tamanullu ammasumik inuttassarsiuussineq pimoorusaanngitsutut isikkoqalersinnaalluni – tamannalu isumaliutissiissutini ikkarnartortaqaanngitsutut unioqqutitsinerunngitsutullu nalilerneqarluni.”

Naalakkersuisut eqqartuussissuserisuata innersuussutai isumaliutissiissutit pingasut tassaapput isumaliutissiissut 1998-meersoq (Ministerip atorfillillu akornanni attuumassutit pillugit Isumaliutissiissut nr. 1354), isumaliutissiissut 2004-meersoq (Atorfillit siunnersuisarnerat ikiusarnerallu pillugit Isumaliutissiissut nr. 1443) kiisalu isumaliutissiissut 2013-meersoq (Ministerip immikkut siunnersortai pillugit Isumaliutissiissut nr. 1537 – misissuineq 1998-meersoq).



DEMOKRAATIT
DEMOKRATERNE

2013-mi isumaliutissiisummi innersuussutigineqartut pisariaqanngillat, isumaliutissiisut aatsaat ulloq 23. maj tamanu saqqummiunneqarnikummat, tassa tusagassiinermut ataqatigiissaarisumik atorfinitsinerup nalaani pisut kingorna, Niels Hansen Dammimut misissoqquneqartut.

(Taamaattumik eqqumiigikulunnarpoq Niels Hansen Damm nassuiaammi quppernerisa 37-anni isumaliutissiisutip innersuussutai utermagit oqarluni siunissami immikkut siunnersortitut atorfiit allagarsiissutigisarnissaat piumasqaataasariaqanngitsoq).

Isumaliutissiisutit siulliit marluk eqqarsaatigalugit Niels Hansen Dammip oqaasii uppersaatissarsioqattaaraluarpakka taanna oqarmat isumaliutissiisutit naapertorlugit unioqqutitsinerunngitsoq imaluunniit eqqumiigisassaangitsoq, atorfimmik inuttassarsiuneq pimoorusserpasissuunngippat, ministeriup atorfinitsitassani kinaanersoq nalunngereertarmagu.

Taamaattumik Naalackersuisut qinnuigissavakka – quppernertut innersuussutitalerlugu issuaanertalelugulu – nalunaarutigeqqullugu pineqartut isumaliutissiisummi 1998-meersumi kiisalu isumaliutissiisummi 2004-mi sumi taanna allassimanersoq.

Apeqqutit akeqquneqarput tiguseraniit ullut sulliviit nalignnaasut qulit qaangiutsinnagit.